

১৩১৮৮

21 SEP 2016

গণপ্রজাতন্ত্রী বাংলাদেশ সরকার
আইন, বিচার ও সংসদ বিষয়ক মন্ত্রণালয়
আইন ও বিচার বিভাগ
সলিসিটর অনুবিভাগ, প্রশাসন শাখা-১
বাংলাদেশ সুপ্রীম কোর্ট প্রাঙ্গন, ঢাকা।

২৩ ভাদ্র, ১৪২৩ বঙ্গাব্দ

তারিখ- ০৭ সেপ্টেম্বর, ২০১৬ খ্রিঃ

নং ১০.০০.০০০০.১৩৩.৫৬.০১০.১৪(বিবিধ)-৬২(১৪০)

পরিপত্র

বিষয়ঃ মাননীয় বিজ্ঞ আদালতের রায়ে বিরুদ্ধে উচ্চ আদালতে আপীল/রিভিশন দায়েরের প্রস্তাব প্রেরণ প্রসঙ্গে।

সূত্রঃ সলিসিটর অনুবিভাগ, প্রশাসন শাখা-১ এর ০৭/১০/২০১৫ খ্রিঃ তারিখের ১০.০০.০০০০.১৩৩.৫৬.০১০.১৪(বিবিধ)- ১১৩ নং স্মারক।

ইহা লক্ষ্য করা যাচ্ছে যে, সরকারের বিভিন্ন মন্ত্রণালয়/বিভাগ/দপ্তর/অধিদপ্তর/পরিদপ্তর এবং জেলা প্রশাসকের কার্যালয় হতে সরকারী স্বার্থ সুরক্ষার উদ্দেশ্যে বিজ্ঞ আদালতের দেওয়ানী/ফৌজদারী মামলাসমূহের রায় ও ডিক্রী/আদেশের বিরুদ্ধে উচ্চতর আদালতে আপীল/রিভিশন এবং প্রশাসনিক ট্রাইব্যুনালের রায়ে বিরুদ্ধে প্রশাসনিক আপীল ট্রাইব্যুনালে, প্রশাসনিক আপীল ট্রাইব্যুনালের রায়ে বিরুদ্ধে মাননীয় সুপ্রীমকোর্টের আপীল বিভাগে এবং মাননীয় হাইকোর্ট বিভাগে রীট মামলার রায়/আদেশের বিরুদ্ধে মাননীয় সুপ্রীমকোর্টের আপীল বিভাগে আপীল দায়ের করার প্রস্তাব আইনে নির্ধারিত সময়সীমার মধ্যে প্রয়োজনীয় কাগজপত্রসহ সলিসিটর উইং এ প্রেরণ করা হয় না। এ কারণে অনেক ক্ষেত্রে সরকারী স্বার্থ সংশ্লিষ্ট মামলা তামাদি দোষে বারিত হওয়ায় আপীল/রিভিশন দায়ের করা সম্ভবপর হয় না। হলেও তামাদির কারণে উহা সন্তোষজনক না হওয়ায় বেশীরভাগ ক্ষেত্রে বিজ্ঞ আদালত কর্তৃক না-মঞ্জুর হয়। ফলে সরকারী বহু জমি/সম্পত্তি বেহাত হওয়ার মাধ্যমে সরকারী স্বার্থ বিঘ্নিত হয় এবং অপূরণীয় আর্থিক ক্ষতি হয়।

২। উল্লেখ্য যে, উচ্চতর আদালতে আপীল/রিভিশন দায়ের করার জন্য নিম্নবর্ণিত কাগজপত্রাদি একান্তভাবে আবশ্যিক :-

- (ক) দেওয়ানী মামলার ক্ষেত্রে :- বিজ্ঞ আদালতের তর্কিত সকল রায় ও ডিক্রীর জাবেদা নকল(সার্টিফাইড কপি), সাক্ষীর জবানবন্দীর জাবেদা নকল(সার্টিফাইড কপি), বিলম্বের ব্যাখ্যা এবং সরকারী কৌশলীর (জিপি) এর মতামত;
- (খ) ফৌজদারী মামলার ক্ষেত্রে :- বিজ্ঞ আদালতের তর্কিত সকল রায় ও আদেশের জাবেদা নকল(সার্টিফাইড কপি), এজাহার, ১৬৪ ধারার জবানবন্দী, চার্জশীট ও ১৬১ ধারার সাক্ষীর জবানবন্দী ইত্যাদির জাবেদা নকল(সার্টিফাইড কপি) এবং পাবলিক প্রসিকিউটর (পিপি) এর মতামত;
- (গ) রীট মামলার ক্ষেত্রে :- আর্জির পূর্ণাঙ্গ কপি, তর্কিত রায়/আদেশের জাবেদা নকল(সার্টিফাইড কপি), গ্রাউন্ড অব আপীল, বিলম্বের ব্যাখ্যা, কলনিশির কপি, দফাওয়ারী জবাব এবং মামলা সংশ্লিষ্ট অন্যান্য কাগজপত্রাদি(যদি থাকে);
- (ঘ) প্রশাসনিক ট্রাইব্যুনাল মামলার ক্ষেত্রেঃ- আর্জির কপি, দফাওয়ারী জবাব, ওকালতনামা; প্রশাসনিক আপীল ট্রাইব্যুনাল মামলার ক্ষেত্রেঃ-তর্কিত রায়ে জাবেদা নকল(সার্টিফাইড কপি), ওকালতনামা, আর্জির কপি ও বিভাগীয় মামলার কাগজপত্রাদি(যদি থাকে); এবং মাননীয় সুপ্রীমকোর্টের আপীল বিভাগে লীভ-টু-আপীলের ক্ষেত্রেঃ প্রশাসনিক ট্রাইব্যুনাল ও প্রশাসনিক আপীল ট্রাইব্যুনাল মামলার আর্জির কপি, দফাওয়ারী জবাব ও তর্কিত রায়/আদেশের জাবেদা নকল(সার্টিফাইড কপি)।